

Ka 'akape'ea au i te tauturu'anga i tōku 'oire tangata?



Social Cohesion Guide for Communities

Te turanga toketoke 'enua ki roto i te au putuputu'anga 'oire tangata

E mānganui ua atu te tumu e 'anga ei tatou i te au putuputu'anga 'oire tangata, tei roto pa'a koe i teta'i kōpu tangata, i teta'i 'āpi'i, i teta'i ngā'i 'anga'anga, pupu tārekareka tipōti, 'ākono'anga pure, te tāmou ra pa'a koe i teta'i reo 'ōu ki te pae i teta'i atu, me kore ra, te rave ta'okota'i ra i ta tatou au mea e reka ana i te rave. Noātu te putuputu'anga 'oire tei roto koe, ka meitaki rāi te ngākau, no te turanga toketoke 'enua, te turanga 'ārikiriki'ia, e te turanga tei roto koe i teta'i 'akakoro'anga.

E tūkē ua ake rāi tatou katoatoa, māri ra, te 'inangaro nei tatou i te ora'anga 'oa'oa, i te 'akararangī'anga i to tatou au turanga tūkētūkē, ma te kauraro atu ki teta'i, noātu me kare tatou e 'akatika. E mea pu'apinga teia, no te mea, kare te katoatoa e 'irinaki ana e, ka rauka ia ratou i te tu ki runga i to ratou 'uā'orāi turanga, me kore ra, ka akarongo'ia to ratou reo.

Te tūkē 'ua atu nei to tatou basileia, e te mānganui o te au putuputu'anga tangata, e te anoano nei tatou i te kimi i te au rāvenga, no te 'akarongo'anga, e te rongō'anga i teta'i ki teta'i. Ka 'inangaro tatou i te 'akakoro, kia mārama tatou i te au mea tūkētūkē, e te au mea mātūtū i rotopu ia tatou, ma te kimikimi meitaki i te au mea te ka ta'okota'i ia tatou, e te 'akapiri'anga mou ia tatou.

Te tūkē 'ua atu nei to tatou basileia, e te mānganui o te au putuputu'anga tangata, e te anoano nei tatou i te kimi i te au rāvenga, no te 'akarongo'anga, e te rongō'anga i teta'i ki teta'i. Ka 'inangaro tatou i te 'akakoro, kia mārama tatou i te au mea tūkētūkē, e te au mea mātūtū i rotopu ia tatou, ma te kimikimi meitaki i te au mea te ka ta'okota'i ia tatou, e te 'akapiri'anga mou ia tatou.

Te turanga toketoke 'enua mei te a'a rāi te 'ākara'anga

I roto i te basileia te 'anga'anga meitaki ra te katoatoa, kua kite tatou ia tatou 'uā'orāi, kua kite tatou i to tatou au tangata tupu, e turanga tukatau to tatou i roto i ta tatou au ngā'i 'anga'anga, e kua kite tatou i te au ngā'i kimi tauturu, me anoano tatou. Te 'irinaki nei tatou e, ka rauka ia tatou i te komakoma atu ki te aronga kare tatou i mātau, i te tamaki atu, me rongo tatou i te au tuatua kōpae'anga tangata, e te tuatua atu no runga ia tatou 'uā'orāi, no'ea mai tatou, e ta tatou au rāvenga. I roto i teta'i manamanatā, kare tatou i 'akangaropoina i teta'i 'ua atu; tei roto te katoatoa


Te 'akatupu'anga i teta'i atu turanga toketoke 'enua – ea'a ta'au ka rave

No reira, ka 'akape'ea tatou i roto i to tatou au putuputu'anga 'oire tangata, i te tauturu'anga kia ma'ata atu te tangata ki roto i te turanga toketoke 'enua, i te tātomo i te turanga tūkētūkē, i te turanga 'ātuitui'ia, i te tomo'anga ki roto i te au 'anga'anga, te 'irinaki'anga i teta'i atu, te turanga 'akangāteitei'ia?

Te turanga toketoke 'enua, te 'irinaki'anga i teta'i atu

komakoma atu ki teta'i tangata tūkē ake rāi mei iākoe. Tautā pakari kia tano te tuatua'anga i to ratou ingoa. Kimikimi'ia to ratou 'uā'orāi turanga, tamou'ia ea'a ta ratou 'ākara'anga i teia nei ao

pati'ia atu ratou kia tomo atu ki roto i to'ou pupu tipōti tārekareka, pati'ia atu ratou kia tomo atu ki roto i teta'i 'oro'oro'anga ta'okota'i, 'aka'ārāvei'ia atu ratou ki to'ou ai taeake, tauturu'ia atu ratou no ta ratou reo Papa'ā, Te Reo Māori, me kore ra, i te New Zealand Sign Language, me te anoano ra ratou i te reira, ma te pati atu ia ratou, kia 'āpi'i atu iākoe i to ratou reo, me kore ra, i te au reo kua kite ratou.



Te tātomo'anga i te turanga tūkētūkē, e te turanga 'akangāteitei'ia'anga

'akatupu'ia, me kore ra, turu'ia te au 'ātuitui'anga aronga 'anga'anga, i roto i ta'au ngā'i 'anga'anga, i te tauturu ia kotou 'uā'orāi, i te tamaki i te au manamanatā, mei te kōpae'anga tangata, no runga i te turanga o to ratou 'iti tangata, turanga tāne/va'ine, turanga 'inangaro tāne/va'ine, e teta'i atu au turanga tūkētūkē. Pati atu i ta'au ngā'i 'anga'anga, kia ma'ani i teta'i 'akakoro'anga kia tū te au mata tūkētūkē na roto i te au taka'í'anga pouroa

'akariro'ia koe ei tangata turu i te Kōpu tangata, no teta'i taeake te tuki'ia ra e te rāvenga kōpae'anga tangata i roto i te ngā'i 'anga'anga, me kore ra, i roto i teta'i atu au putuputu'anga 'oire tangata

kimi'ia te au ngā'i terēni'anga no te tamaki atu i te turanga kōpae tangata, i roto i ta'au ngā'i 'anga'anga, kōnitara, me kore ra, putuputu'anga 'oire tangata


tātā atu ki to'ou mēma kōnitara 'oire, me kore ra, Mēma Pāramani, me kore ra, tukuna'ia teta'i tāmanako'anga ki teta'i 'uri'uri'anga manako kavamani, kia 'ākara meitaki i te au mananatā no runga i te kōpae'anga tangata.

Te turanga 'ātuitui'ia

'akatupu'ia teta'i putuputu'anga 'oire, me kore ra, i teta'i rā no te matakeinanga, ma te pati atu i te au mata, mei roto mai i te au tu putuputu'anga 'oire, kia tomo mai, e pērā katoa te tamariki

'aere atu, ma te 'aka'ari i ta'au turu'anga ki te au putuputu'anga 'oire tei 'akapapa'ia te aronga tūkē ake rāi mei iākoe

'akatupu'ia teta'i puna pātia'anga vairākau-pāruru, ki ko i teta'i are 'akapu'anga o te 'oire, ngā'i 'akamori'anga, me kore ra, i teta'i atu ngā'i, i te tuātau toto'a'anga maki 'akatupu'ia teta'i taumārō'anga i roto i te 'oire, me kore ra, i te basileia no runga i te 'iki'anga, i rotopu i te au mēma kōnitara e ināngaro nei i te tu', me kore ra, i rotopu i te au Mēma Pāramani



komakoma atu ki te au putupu'anga 'oire mei teia rāi, i te kite i te au rāvenga e tupu ei ta kotou e 'akakoro ra

'akatu'era'ia to'ou marae, ngā'i 'akamori'anga, are pure o te 'iti tangata Muslim, 'are pure, karapu, ki te putupu'anga 'oire, ma te 'akamātau atu iākoe kia ratou.

Te tomo'anga ki roto i te au 'oro'oro'anga

tāmou'ia teta'i atu, no runga i e Reo Māori, te 'are korero o Aotearoa, Te Tiriti o Waitangi, na roto i te tā'anga'anga'anga i te au apps tutaki-kore, mei te Kōrerorero, Kupu, e te Ako Tahi, i te tāmou i Te Reo, me kore ra, tāina'ia to'ou ingoa no teta'i 'āpi'ipi'i'anga na roto i Te Wānanga o Aotearoa, 'ātoro'ia te au 'akaāriari'anga 'apinga ta'ito, me kore ra, tēnā te au puka no runga i te kāpua'anga o Aotearoa, mei ko i te 'are-puka o te 'oire.

tamaki'ia atu na roto i teta'i tuatua'anga pakari, i ki teta'i te kōpae ra i teta'i atu, na roto i te tā'anga'anga'anga i te au rāvenga tauturu, i runga i te kupenga uira a te Human Rights Commission, mei te Responding to Racism komakoma atu ki te au arataki putupu'anga 'oire tangata, no runga i ta'au au tāmanakonako'anga, no runga i te 'akamāro'iro'i'anga i te turanga toketoke 'enua ki roto i to'ou 'oire

pati'ia atu ki te au tipatimani o te kavamani no teta'i pūtē-moni, no ta'au 'anga'anga i roto i te 'oire tangata, 'akamata atu, ki roto i te au mou pūtē moni mei te COGS me kore ra, Lotteries na roto i te tu'anga 'ōronga'anga moni tauturu me kore ra, na roto i te Community-Led Development Programme. Te vai katoa nei teta'i atu pūtē-moni – pati atu no te 'akakitekite'anga no runga i te au rāvenga.

